

21.09.2016.

## ZAPISNIK

### SA SASTANKA PREDSJEDNIKA KS BIH I KOMESARA LIGA PRVENSTVA BIH SA PREDSTAVNICIMA KLUBOVA UČESNIKA PRVENSTVA BIH ZA ŽENE SEZONA 2016/2017

U prostorijama KS BiH u utorak, 20.09. 2016. godine održan je sastanak sa predstavnicima klubova učesnika Prvenstva BiH za žene sezona 2016/2017.

Na sastanku su bili prisutni: predsjednik KS BiH g.Aleksandar Fulurija, generalni sekretar KS BiH g.Dubravko Barbarić, komesar Prvenstva BiH Darko Frganja, gđa.Nataša Bašović, tehnički sekretar KSBIH kao i predstavnici ŽKK“PLAY OFF“ Sarajevo, KŽK“ČELIK“ Zenica, KK“JEDINSTVO BHT“ Tuzla, KK“ŽELJEZNIČAR“ Sarajevo, ŽKK“RMU BANOVIĆI“ Banovići, ŽKK“BRČANKA“ Brčko i KK“IMPULS“ Sarajevo. **(Isti nije jedini učestvovao u diskusiji i ranije je napustio sastanak.)**

Opravdano odsutni predstavnici: ŽKK“RUDAR SPORT“ Ugljevik, KK“MLADI KRAJIŠNIK“ Banja Luka, ŽKK“SLOBODA“ Novi Grad i ŽKK“ORLOVI“ Banja Luka.

Sastanak je otvorio Predsjednik košarkaškog saveza Bosne i Hercegovine g. Aleksandar Fulurija i upoznao klubove sa aktualnom košarkaškom situacijom u BiH. Dodatna pojašnjenja je predočio je i Generalni sekretara KS BiH g. Dubravko Barbarić.

Naprijed navedeni opravdano odsutni predstavnici Klubova su u Kancelariju KSBIH dostavili svoje prijedloge, primjedbe i sugestije vezano za predstojeću takmičarsku sezonu koje je komesar Darko Frganja predočio prisutnim.

Klubovi su na početku upoznati sa odlukom UO KS BiH koja je donijeta na 5. redovnoj sjednici održanoj 10.09.2016. godine u Tuzli, da u Prvenstvu BiH za žene sezona 2016/2017 učestvuje 10 klubova.

Klubovi su se složili sa odlukom UO KS BiH da se u sezoni 2016/2017 igra Liga 10, nakon koje će se igrati play-off.

U play-off će se plasirati prve četiri ekipe iz ligaškog dijela prvenstva. Polufinale će se igrati na dvije pobjede, dok će se finale igrati na tri dobijene utakmice.

Posljednja ekipa u regularnom dijelu prvenstva napušta takmičenje u Prvenstvu BiH za žene i prelazi u niži rang takmičenja.

Komesar Lige Darko Frganja predložio je klubovima kalendar takmičenja, te su se prisutni složili da Prvenstvo BiH za žene počinje 29.10.2016. godine.

Zbog obaveza ženske seniorske reprezentacije BiH i kvalifikacionih utakmica za EP, predviđena je pauza u Prvenstvu BiH za žene od 08.11. – 03.12. 2016. godine. (19.11.2016 Reprezentacija igra u Turskoj, a 26.11.2016.g. Reprezentacija igra u Tuzli sa Izraelom.)

Ligaški dio prvenstva trajeće do 25. 03. 2017. godine.

Play-off počinje 12.04.2017. i u zavisnosti od broja utakmica u doigravanju završiće se do 13.05.2017.godine.

Finalni turnir KUP-a BiH zakazan je za 01/02.04.2017. godine. Sistem takmičenja kao predhodne sezone.

Prvak Bosne i Hercegovine u prošloj sezoni ŽKK“PLAY-OFF“ Sarajevo u sezoni 2016/2017 takmičiće se u Međunarodnoj ženskoj regionalnoj ligi (MŽRL)-WABA liga i Prvenstvu BiH za žene. Svi prisutni klubovi su se složili da imaju razumijevanja oko termina odigravanja utakmica prema istom zbog nastupa u (MŽRL)-WABA liga.

U sezoni 2016/2017 Prvenstva BiH za žene biće dva prelazna roka, koja će komesar Prvenstva BiH Darko Frganja definisati i saradnji sa Kancelarijom KSBIH, a isti će biti dostavljeni klubovima po odluci UO KS BiH.

Rokovi za licenciranje, uplate kotizacija, troškovi službenih lica i prelazni rokovi na bazi od predhodne sezone.

U sezoni 2016/2017 Prvenstva BiH za žene biće dva prelazna roka – jedan redovni i jedan vanredni.

Redovni prelazni rok za muškarce i žene planiran je: 03.10.-11.10.2016.g.

Vanredni mini – prelazni rok za žene planiran je između 9. i 10. kola, odnosno od 23.01. – 27.01. 2017. godine .

Rokovi licenciranja za žene 17.10.-24.10.2016.godine.

Klubovi učesnici Prvenstva BiH za sezonu 2016/2017 slobodni su da daju svoje primjedbe i sugestije za doradu Propozicije takmičenja elektronskim putem kako bi se prijedlog mogao proslijediti na razmatranje UO KS BiH, te izvršiti eventualne korekcije do početka takmičarske sezone.

Na prijedlog trenera ŽKK Jedinstvo BHT Tuzla, gospođe Mare Lakić, predsjednik KS BiH g. Aleksandar Fulurija naložio je kancelariji KSBIH da ubuduće sve odluke UO KS BiH koje se budu ticale ženskih takmičenja – Prvenstvo BiH za žene i ženskih reprezentativnih selekcija prosljedi klubovima učesnicima Prvenstva BiH za žene.

Predstavnik KŽK Čelik predložio je da predsjedniku KS BiH g. Aleksandru Fuluriji i komesaru Lige BiH Darku Frganja da se uvedu oštrije kazne za nepoštovanje propozicija takmičenja, kako Prvenstvo BiH za žene ne bi izgubilo smisao, sa čim su se složili i prisutni predstavnici ostalih klubova.

Predsjednik KS BiH g. Aleksandar Fulurija uvažio je prijedlog predstavnika klubova da se oformi tim koji bi činili predstavnici klubova, koji bi zajedno sa koordinatorom za žensku košarku i tehničkim sekretarom gospođom Natašom Bašović napravio prijedloge i sugestije za poboljšanje kvaliteta ženske košarke i njeno podizanje na veći nivo, te bi isti jasno definisani prijedlozi bili prosljeđeni UO KS BiH na razmatranje.

Ovo se naročito odnosi na mlađe selekcije, te je g. Aleksandar Fulurija gore pomenutom timu dao zadatak da napravi prijedlog po kojem bi svaki klub koji se takmiči u Pvenstvu BiH za žene trebao u

svom pogonu ili pod svojim okriljem imati selekcije U14 i U16; ovaj prijedlog bio bi dat na razmatranje UO KS BiH i odnosio bi se na naredne sezone.

Klubovi su se složili da se ove sezone igra Liga mladih, koja bi, kada su djevojčice u pitanju, mogla početi već krajem januara odnosno krajem februara. Upravni odbor KSBIH je na predhodnoj sjednici u Tuzli 10.09.2016. zadužio komisiju koja će uraditi prijedlog kalendara takmičenja za Ligu mladih BiH za predstojeću sezonu.

**Komesar, da u skladu sa raspoloživim sudijskim listama-grupama nastoji da troškovi prevoza budu manji za klubove, nego što je to bio slučaj u predhodne dvije takmičarske sezone. Da nastoji da na utakmicama na kojima je velika razlika u kvalitetu ne delegira sudije iz najudaljenijih mjesta i sl.**

**Da Upravni odbor KSBIH razmisli o mogućnosti smanjenja troškova Klubova.**

Predsjednik KSBIH uz asistiranje tehničkog sekretara KSBIH je izvlačio takmičarske brojeve Prvenstva BiH za muškarce sezona 2016/2017 u prisustvu predstavnika naprijed navedenih Klubova, te su takmičarski brojevi slijedeći:

1. ŽKK“BRČANKA“ Brčko
2. ŽKK“ORLOVI“ Banja Luka
3. ŽKK“PLAY OFF“ Sarajevo
4. KŽK“ČELIK“ Zenica
5. KK“JEDINSTVO BHT“ Tuzla
6. KK“MLADI KRAJIŠNIK“ Banja Luka
7. ŽKK“RMU BANOVIĆI“ Banovići
8. KK“ŽELJEZNIČAR“ Sarajevo
9. ŽKK“RUDAR SPORT“ Ugljevik
10. ŽKK“SLOBODA“ Novi Grad

Na osnovu izvučenih takmičarskih brojeva, parovi 1. kola Prvenstva BiH za žene sezona 2016/2017 su:

1. KOLO 29.10.2016.		
1	BRČANKA	SLOBODA
2	ORLOVI	RUDAR SPORT
3	PLAY OFF	ŽELJEZNIČAR
4	ČELIK	RM BANOVIĆI
5	JEDINSTVO	MLADI KRAJIŠNIK

U prilogu Zapisnika, od strane Kancelarije KSBIH prije početka lige, klubovi će dobiti sva neophodna uputstva, odluke, kalendar i raspored.

Slijedeći sastanak klubova sa predstavnicima KS BiH i Komesarom takmičenja poželjno bi bilo održati po završetku prvog dijela ligaškog takmičenja ili bar po završetku takmičarske sezone.

Zapisnik sačinio :

Darko Frganja, s.r